

opusculum, carmine quidem concinnatum, sed rude & barbarum in vulgus dederunt. In eo quoque C. Plinius citatur, qui vno plus minus seculo post Macrum floruit. plura vide in Biblioth. nostra.

Aemilij Macri autoritate utitur Plinius libris 9. 10. 11. & 17.

Antonius Castor.

Nobis Herbas plerasq: omnes, inquit Plinius, (à priscis descriptas) exceptis admodum paucis, contigit contemplari scientia Antonij Castoris, cui summa autoritas erat in ea arte nostræ ævo, visendo hortulo eius, in quo plurimas alebat, centissimum ætatis annum excedens, nullum corporis malum expertus, ac ne ætate quidem memoria aut vigore concussis. Citatur autem à Plinio lib. 20. & septem sequentibus.

Antonius Musa Cæsaris Augusti Medicus de herbæ Vetonicæ remediis 47. libellum ad M. Agrippam exaravit. Vide plura in Bibliotheca nostra.

## C

**C**Aius Plinius secundus in Historia mundi, quæ libris 37. constat, sedecim scripsit de stirpibus, nempe à duodecimo vsque ad vigesimum septimum, variis omnino modis de eis tractans, philosophicè, historicè, medicè, rusticè, magicè, &c. In hoc opere emen-